

DELIBERATZIONE N. 26/3 DE SU 22.05.2026

Ogetu: Pianu de politica linguistica regionale 2025-2029. Lege regionale n. 22/2018 (Disciplina de sa politica linguistica regionale), art. 5. Aprovu definitivu.

S'Assessora de s'Istruzione Pùblica, Benes Culturales, Informatzione, Ispetàculu e Isport ammentat chi sa Giunta regionale, cun sa deliberatzione n. 68/22 de su 31 mese de Idas/Nadale 2025, at aprovalu su "Pianu de politica linguistica regionale 2025-2029. Lege regionale n. 22/2018 (Disciplina de sa politica linguistica regionale), art. 5. Aprovu preliminare".

S'Assessora ponet a craru chi, cun sa nota de sa Presidente de sa Regione n. 150 de su 8 ghennàrgiu 2026, sa deliberatzione mentovada subra l'ant inviada a su Consìgiu regionale pro nde tènnere su parre de sa Commissione consiliare cumpetente, cunforma a s'articulu 27 de sa lege regionale 3 triulas/argiolas 2018, n. 22.

S'Assessora faghet a ischire chi su Presidente de su Consìgiu regionale, cun sa nota n. 4075 de su 2 aprile 2026, at comunicadu chi sa Segunda Commissione consiliare at dadu su parre suo pro su chi pertocat sa setziada de su 1° aprile 2026, torrende imposta favorevole, cun sos annotos chi s'agatant in sas integratziones insertadas in su Pianu acapiadu a custa deliberatzione, pro chi nde fatzant parte integrante e sustanziale.

Pro custu, sighit s'Assessora de s'Istruzione Pùblica, Benes Culturales, Informatzione, Ispetàculu e Isport, cunforma e pro sos efetos de s'articulu 27 de sa lege regionale n. 22/2018, si devet sighire cun s'adotzione definitiva de su "Pianu de politica linguistica regionale 2025-2029" e proponet, duncas, a sa Giunta de approvare a manera definitiva su provedimentu cunforma a sa deliberatzione n. 68/22 del 31 mese de Idas/Nadale 2025.

Sa Giunta regionale, intesa sa proposta de s'Assessora de s'Istruzione Pùblica, Benes Culturales, Informatzione, Ispetàculu e Isport, bidu su parre favorevole de legitimidade de su Direttore generale de sos Benes Culturales, Informatzione, Ispetàculu e Isport a subra de sa proposta esaminada.

DELÌBERAT

de approvare, a manera definitiva, su provedimentu cunforma a sa deliberatzione n. 68/22 de su 31 mese de Idas/Nadale 2025, chi pertocat su "Pianu de politica linguistica regionale 2025-2029. Lege regionale n. 22/2018 (Disciplina de sa politica linguistica regionale), art. 5", retzende sos annotos espressados dae sa Segunda Commissione consiliare chi agatant cunfirma in su Pianu acapiadu a custa deliberatzione, pro chi nde fatzant parte integrante e sustanziale.



REGIONE AUTÒNOMA DE SARDIGNA
REGIONE AUTONOMA DELLA SARDEGNA

DELIBERATZIONE N. 26/3
DE SU 22.05.2026

Su Direttore Generale

Giovanni Deiana

Sa Presidente

Alessandra Todde